



ქალაქ ფოთის მუნიციპალიტეტის საკრებულო

განკარგულება №22/78

2019 წლის 30 ოქტომბერი

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული ქალაქ ფოთში, მერაბ კოსტავას ქუჩა №35-ში (მიწის (უძრავი ქონების) საკადასტრო კოდი 04.02.08.046), 26 მაისის ქუჩა №7-ში (მიწის (უძრავი ქონების) საკადასტრო კოდი 04.02.08.241.01.514) და 9 აპრილის ხეივანი № 15-ში (მიწის (უძრავი ქონების) საკადასტრო კოდი 04.01.09.711.01.500) მდებარე უძრავი ქონების არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური მომსახურების ცენტრისათვის“ უსასყიდლო უზუფრუქტის ფორმით, აუქციონის გარეშე სარგებლობაში გადაცემასთან დაკავშირებით თანხმობის მიცემის შესახებ

საჯარო რეესტრის ამონაწერის შესაბამისად, დანართი №1-ში მითითებული უძრავი ქონება წარმოადგენს ქალაქ ფოთის მუნიციპალიტეტის საკუთრებას.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი, ქალაქ ფოთის მუნიციპალიტეტის საკუთრებაში არსებული, დანართი №1-ში მითითებული უძრავი ქონების არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური მომსახურების ცენტრისათვის“ უსასყიდლო უზუფრუქტის ფორმით, აუქციონის გარეშე, სარგებლობაში გადაცემასთან დაკავშირებით თანხმობის მისაღებად.

„ადგილობრივი თვითმმართველობის კოდექსის“ საქართველოს ორგანული კანონის 122-ე მუხლის მე-6 პუნქტის შესაბამისად, მუნიციპალიტეტის აღმასრულებელი ორგანო უფლებამოსილია მუნიციპალიტეტის ქონება უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე გადასცეს სახელმწიფოს და ავტონომიური რესპუბლიკების ორგანოებს, სხვა მუნიციპალიტეტს, საჯარო სამართლის იურიდიულ პირს (გარდა პოლიტიკური პარტიისა), მუნიციპალიტეტის/მუნიციპალიტეტების მიერ დაფუძნებულ არასამეწარმეო (არაკომერციულ) იურიდიულ პირს, საწარმოს, რომლის წილის ან აქციათა 50%-ზე მეტს ფლობს/ფლობენ მუნიციპალიტეტი/მუნიციპალიტეტები, ან თავად ამ კერძო სამართლის იურიდიული პირის მიერ დაფუძნებულ კერძო სამართლის იურიდიულ პირს.

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის, 2014 წლის 8 დეკემბრის №669 დადგენილებით დამტკიცებული წესების 22-ე მუხლის მე-5 პუნქტის შესაბამისად, გარდა თბილისის მუნიციპალიტეტისა, მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით, მუნიციპალიტეტის ქონებას უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე, გადასცემს სახელმწიფო და ავტონომიური რესპუბლიკების ორგანოებს, სხვა მუნიციპალიტეტებს, საჯარო სამართლის

იურიდიულ პირებს (გარდა პოლიტიკური პარტიებისა), მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირებსა და მუნიციპალიტეტის 100%-იანი წილობრივი მონაწილეობით დაფუძნებულ საწარმოებს.

ამდენად, მიზანშეწონილია ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული, დანართი №1-ში მითითებული უძრავი ქონების არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური მომსახურების ცენტრისათვის“ უსასყიდლო უზუფრუქტის ფორმით, აუქციონის გარეშე სარგებლობაში გადაცემასთან დაკავშირებით თანხმობის მიცემა.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის საკუთრებაში არსებული, დანართი №1-ში მითითებული უძრავი ქონება უსასყიდლო უზუფრუქტის ფორმით, აუქციონის გარეშე, სარგებლობაში გადასცეს არასამეწარმეო (არაკომერციული) იურიდიულ პირს „ქალაქ ფოთის მუნიციპალიტეტის სოციალური მომსახურების ცენტრს“ (ს/კ 415106405).

მუხლი 2.

ქალაქ ფოთის მუნიციპალიტეტის მერმა ქალაქ ფოთის მუნიციპალიტეტის საკუთრებაში არსებული, განკარგულების დანართი №1-ში მითითებული უძრავი ქონების არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური მომსახურების ცენტრისათვის“ უსასყიდლო უზუფრუქტის ფორმით, აუქციონის გარეშე, სარგებლობაში გადაცემასთან დაკავშირებით გაატაროს შესაბამისი ღონისძიებები (ამ დროისთვის რეორგანიზებული (გაერთიანებული) არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრისათვის“ (ს/კ 415096309) და არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური კვლევის ცენტრისათვის“ (ს/კ 415093106) უზუფრუქტის უფლების შეწყვეტა და სხვა).

მუხლი 3.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით ალმაშენებლის ქუჩა № 3).

მუხლი 4.

განკარგულება ძალაშია 2019 წლის 30 ოქტომბრიდან.

საკრებულოს თავმჯდომარე



ირაკლი კაცულია

ქალაქ ფოთის მუნიციპალიტეტის საკუთრებაში არსებული უძრავი ქონება

N	მისამართი	დასახელება	მიწის (უძრავი ქონების) საკადასტრო კოდი
1	ქალაქი ფოთი, მერაბ კოსტავას ქუჩა №35	№1 შენობის ნაწილი, საერთო ფართით 336.63 კვ.მ., №2 შენობის ნაწილი საერთო ფართით 57.6 კვ.მ.	04.02.08.046
2	ქალაქი ფოთი, 26 მაისის ქუჩა №7	შენობის მეორე სართულზე არსებული 367.79 კვ.მ. არასაცხოვრებელი ფართიდან 21.52 კვ.მ. არასაცხოვრებელი ფართი, გეგმის შესაბამისად	04.02.08.241.01.514
3	ქალაქი ფოთი, 9 აპრილის ხეივანი №15	შენობის პირველ სართულზე არსებული 226.76 კვ.მ. არასაცხოვრებელი ფართიდან 36.44 კვ.მ არასაცხოვრებელი ფართი, გეგმის შესაბამისად	04.01.09.711.01.500 (წინა საკადასტრო კოდი 04.01.09.015.01.502)

საკურებულოს თავმჯდომარე

ირაკლი კაცულია

